

E C S O D U S.

tim : cùig làmhha-coille a fad, agus cùig làmhha-coille a leud (*bha i ceithir-chearnach*) agus trì làmhha-coille a h-airde.

2 Agus rinn e a h-adhaircean air a ceithir oifinnibh : bha a h-adhaircean do'n *ni* cheudna ; agus chòmhdach e thairis i le h-umha.

3 Agus rinn e uile fhoithichean na h-altarach, na h-aigheannan^a, agus na sluasaidhean, agus na cuachan, agus na greimichean, agus na h-aigheannanteine : a foithichean uile rinn e a *dh'*umha.

4 Agus rinn e do'n altair cliath do lìon-obair umha, f'a cuairt gu h-ìosal, gu nuig a meadhon.

5 Agus thilg e ceithir failbheagan do cheithir oifinnibh^b na cléith umha, *gu bhi* 'nan àitibh do na bataichibh.

6 Agus rinn e na bataichean do fhiodh fitim, agus chòmhdach e thairis iad le h-umha.

7 Agus chuir e na bataichean 'fna failbheagaibh air taobhan na h-altarach, chum a giùlan leo : fàs le bòrdaibh rinn e i.

8 Agus rinn e an foitheach-ionnlaid a *dh'*umha, agus a chas a *dh'*umha, do sgàthanaibh *nam ban*, a chruinnich 'nam buidhneibh aig dorus pàilluin a' choi-thionail^c.

9 Agus rinn e chùirt air an taobh mu dheas, ris an airde deas : *bha* cùirteinean na cùirte do anart grinn toinnte, ceud làmh-choille air fad ;

10 Am puist fichead, agus am buinn umha, fichead : *bha* cro-

magan nam post agus an cuairteagan a *dh'*airgiod.

11 Agus air an taobh mu thuath, *bha na* cùirteine do cheud làmh-choille ; am puist fichead, agus am buinn umha fichead : cromagan nam post, agus an cuairteagan^d a *dh'*airgiod.

12 Agus air an taobh an iar *bha* cùirteine do leth-cheud làmh-choille ; am puist deich, agus am buinn deich : cromagan nam post agus an cuairteagan a *dh'*airgiod.

13 Agus air an taobh an ear ris an aird an ear, leth cheud làmh-choille.

14 *Bha* cùirteinean aon taoibh do'n gheata cùig làmhha-coille deug ; am puist trì agus am buinn trì.

15 Agus air fon an taoibh eile do gheata na cùirte, air an làmh so agus air an làmh ud, *bha* cùirteine do chùig làmhha-coille deug ; am puist trì agus am buinn trì.

16 *Bha* cùirteinean na cùirte uile m'an cuairt a *dh'*anart grinn toinnte.

17 Agus *bha* buinn nam post a *dh'*umha ; cromagan nam post, agus an cuairteagan a *dh'*airgiod, agus còmhdach an ceann a *dh'*airgiod ; agus *bha* uile phuist na cùirte air an ceangal m'an cuairt^e le h-airgiod.

18 Agus *bha* 'm brat air fon geataidh na cùirte 'na obair fhàthaid do ghorm, agus do chorcur, agus do fcarlaid, agus do anart grinn toinnte : agus *b'e* fichead làmh-choille fhad, agus *b'e* airde 'fan leud cùig làmhha-coille ;